

﴿ مَا نَفَدَتْ كَلِمَاتُ اللَّهِ ﴾ .. (الدرس 40) ..

#تدبرات_في_سورة_لقمان .. د . حازم شومان

حازم شومان

السلام عليكم ورحمة الله وبركاته. السلام عليكم. ايه يا رجاله انتم صايمين ولا ايه؟ يا رب تطلعوا صايمين. الحمد لله الله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وبيدك الخير كله واليك يرجع الامر كله. اللهم - 00:00:00
صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد. بس هوكك فين يا شيخ الصوت بتاعك فين؟ ها؟ مين فيكم يا جماعة طبق الحاجات بتاعة المرحلة الاولى والثانية؟ فياللا نشجع بعض - 00:00:40
مين فيكم يلا مين فيكم حافظ على ورد القرآن يرفع ايده كده اللهم بارك اللهم بارك. مين فيكم حافظ على السواك؟ ربنا يوفقكم ويبارك فيكم يا رب يلا نشجع بعض بقى نبدأ ان شاء الله بازن الله. نكمل اللقاء الرابع في سورة لقمان. ولقد اتينا لقمان الحكمة - 00:00:56

اشكر لله اخواني واحبابي في الله ما جلس قوم في بيت من بيوت الله يتلون كتاب الله ويتدارسونه بينهم. زي ما احنا بنقول كده الا نزلت عليهم السكينة حفتهم الرحي غشيتهم الرحمة. حفتهم الملائكة ذكرهم الله فيمن عنده - 00:01:16
ابشروا يا اخواني في الله بثمرة وثواب مدارس كتاب الله. وخلصنا السجدة وداخلين في لقمان ويا رب دايم بازن الله. سبحانه وتعالى ربنا ما يحرمنا من الارتقاء في الايمان والفهم والعزم والسعادة والعزيمة والانطلاق الى الله ورضا الله ومقامات الجنة - 00:01:36

طول ما احنا منطلقين مع كتاب الله. احنا يا اخوانا بنعمل كده عشان الجنة. جنات النعيم زي ما خدنا المرة اللي فاتت. مش ثلاث ايام في هيلتون كينج ماريوت. مش - 00:01:56
في اسبوع في صف اول في فيلا في الساحل الشمالي. جنات النعيم خالدين فيها. انت متخيل الجايزة اللي ربنا بيوعدك بها لو انت كملت في الطريق ده. لو انت ارتبعت بكتاب ربنا. لو انت جاهدت في تدبر كتاب ربنا. لو احنا نفزنا الكلام اللي احنا - 00:02:06
كل مرة ده انتم متخيلين يا اخوانا لما كنا نروح عمرة اللهم ارزقنا المتابعة بين الحج والعمرة يا رب. فكان مسلا يقول لك ده فيه واحد نازل مسلا في الفنادق - 00:02:26

صف اول قدام الحرم. فيقول لك اوض الفنادق دي مش تمن واحد. في اوض في الهيلتون وانتر كونتنتال والحاجات اللي على وش الحرم دي. يقول لك فيه اوض غالبية جدا عن الباقي. ليه؟ يقول لك كعبة فيو. يعني ايه كعبة فيو وانت نايم على السرير كده؟ تشوف الكعبة والناس بتطوف حواليتها. ايه ده! هيجي لك - 00:02:36

نوم ازاي؟ اهو الفردوس الاعلى عرش فيو. وانت قاعد كده بتتنعم انت شايف العرش وشايف الملائكة عفيننا من حول العرش عرش فيو هو ده الهدف بتاعنا احنا بنتعب مع القرآن بتدبر القرآن بنحفز القرآن بتندارس القرآن - 00:02:56
بنستعد لرمضان بالقرآن بنجاهد في رمضان بازن الله بالقرآن عشان عرش فيود اهي عشان جنات النعيم اللي ربنا وعدنا بها ولقد اتينا لقمانا الحكمة. ان اشكر لله. صراحة يا اخواني في الله - 00:03:16

يعني الواحد جاي المرة دي وقلبه مفعم بالمشاعر. لدرجة ان انا قاعد افكر يعني اسرع عشان نخلص ولا اعيش؟ يعني انا فعلا الدرس بتاع النهاردة ده من الدروس اللي مغيراه لي حياة انا نفسي. انا حاسس ان الصفحة اللي احنا هنتكلم عنها النهاردة دي صفحة قصة

لقمان بتنفجر - 00:03:33

بالحكمة. كل كلمة من كلماته كل فعل من افعاله بيتفجر بالحكمة. انا اول مرة اعيش معنى الحكمة بالمنظر ده. واحس ان سورة لقمان موسوعة في الحكمة بتتكلم عن معناها. بتتكلم عن الطريق اليها. بتتكلم عن عظمة الحكمة وماذا لو جاءت الحكمة - 00:03:53 بتتكلم عن اسبابها بس نقدر نعيش مع المعنى ده ازاي؟ نسأل الله الهدى والسداد. في البداية طبعا قبل ما ندخل في الصفحة اللي بتنفجر بمعاني الحكمة كل كلمة لقمان قالها لابنه. الكلمة دي وراها حكمة جبارة. كل حاجة عملها مع ابنه. بدأ معه ازاي؟ ابنه ده كان كافر. كان مشرك - 00:04:13

كان يبسجد للاوثان بدأ معه ازاي؟ اتقفل منه ولا ما اتقفلش؟ طب تدرج معه ازاي؟ طب كمل معه ولا قطع الطريق؟ طب وصله من اللي كان فيه لفين؟ طيب ترتيب كلام لقمان ايه؟ طب وصايا لقمان نفسها ايه؟ المعنى عظيم وجليل وعمايزين النهاردة - 00:04:33 اخرج بكلمة الحكمة ونخرج بفهم الحكمة. لو خرجنا النهاردة واحنا بنقول اللهم اتنا الحكمة. وانت فاهم انت بتطلب من ربنا هتبقى خرجت بخير كبير اوي اوي اوي. طيب قبل ما ندخل في الايات نفسها - 00:04:53

الترابط بتاع الايات يا جماعة. ولقد اتينا لقمان الحكم. في حوالي عشر ترابطات كده لازم نقولهم في الاول. اول حاجة ترابط قصة لقمان اللي هي الصفحة مع الايات اللي قبلها اللي شرحناها المرة اللي فاتت. اللي هي ايات - 00:05:09 خلق السماوات بغير عمد ترونها والقي في الارض رواسي. وبث فيها من كل دابة وانزلنا من السماء ماء. هذا خلق الله. ايه العلاقة ما بين ايات تدبر وما بين قصة لقمان جمهور المفسرين ان لقمان لم يكن نبي وانما كان عبد كثير التفكير والتدبر. فوصل بكثرة التدبر - 00:05:26

انظر الى الله. فجاءت ايات التدبر قبل ولقد اتينا لقمان الحكمة. كأن ايات التدبر ده يكون اللي قدامك ده هو اربعة وعشرين ساعة. لقمان تعب معه قوي وتفكر فيه قوي وتدبر فيه قوي فوصل الى الله ووصل الى الحكمة. كأن فتح الله على لقمان - 00:05:46 الحكمة كان ثمرة تدبر لقمان في الكون. وكثرة تفكر لقمان. والكون قدامك اهو. الكون قدامك اهو. مين فيكم؟ اتفرج على مقاطع تدبر الاسبوع اللي فات. مين فيكم اتفرج على افلام تدبر الاسبوع اللي فات؟ مين فيكم نزل جلسات تدبر الاسبوع اللي فات؟ لازم تتعب مع القرآن شوية - 00:06:06

واتبع سبيل من اناب اليك. مش استمتع او استمتع لمن اناب اليك. اتبع نفز عشان توصل لازم تنفز. يبقى من الترابط ده ان الفتح على قدر المجاهدة على قد ما هتتعب في التدبر على قد ما ربنا هيفتح عليك. ده في النهاية ربنا بيقول ايه - 00:06:26 ولقد اللام دي لام القسم. الله سبحانه وتعالى يقسم الله سبحانه وتعالى يقسم انه اتى لقمان الحكمة. ربنا بيقسم ان اللي هيتعب هيدي له. ان اللي هيجاهد في العبادة هيفتح عليه. الله سبحانه وتعالى يقسم ان من سلك الطريق الى الله - 00:06:45 الله وسيعطيه الله وسيرفعه الله. ولقد اتينا لقمان ايه الفلوس؟ مركز الحكمة جايزة مزهلة. طيب الترابط الثاني هو علاقة لقمان بن نضر بن الحارث ومن الناس من يشتري لهو الحديث قالوا النضر بن الحارث ايه علاقة لقمان بن نضر بن الحارث؟ النضر ده راجل كان اه - 00:07:05

مستشار كبير حاجة عالية جدا جدا في في الوظائف الشامخة القضائية. ولكن ربنا خفضه بالمعصية عثمان كان عبد اسود ولكن ربنا رفعه بالطاعة وبالمجاهدة في الطاعة. يبقى اللي بيرفع وبيخفض باذن الله واياه؟ الطاعة والمعصية. آآ النذر من - 00:07:25 كان شخصية كبيرة جدا في جزيرة العرب ربنا قال له عذاب ايه؟ مهين. اولئك لهم عذاب مهين. اهانة. لقمان كان عبد اسود ولكن تدبر عبد فربنا وضع اسمه على صورة ورفعته يبقى سر الرفع والخض هو ايه؟ ادي لقمان وادي النضر ده عبقرى وده عبقرى - 00:07:45 ده عنده عقلية ضخمة وده عنده عقلية ضخمة. ولكن لقمان عقليته ابتغى بها الوصول الى الله. فرفعه الله. النظر ابن الحارث دخل في سكة العلمنة وحرب الدين وحرب الشريعة وحرب وخلص كانت النتيجة هي ايه؟ غير ان النضر امام من ائمة الباطل لقمان امام من ائمة الحق - 00:08:05

ما دام الباطل له ائمة لازم الحق يبقى له ائمة. ما ينفعش يبقى هم سحر حواة واحنا لعب هواة. ما ينفعش يبقى هم محترفين شوية

هواة لازم زي ما الباطل فيه ناس محترفة في نصره الباطل يبقى الحق له ناس محترفة في نصره الحق ما ينفعش تفضل -

[00:08:25](#)

ما دام فيه نموذج النضر ابن الحارس الوقتي موجود في الاعلام وموجود في من يحاربون دين الله. لازم يبقى فيه نموذج لقمان او

اتباع لقمان. لازم يبقى فيه ناس عندها تفاني وحكمة وتجرد في نصره دعوة ربنا. طيب - [00:08:45](#)

الترابط التالت ومن الناس من يشتري لهو الحديث. ليه قصة لقمان تيجي بعد لهو الحديث؟ الكلام عن لهو الحديث؟ لان ده نتيجة اللي

ركز بقى. يعني فيه ناس طيب اللي ركز اوي طب اللي ركز اوي جت قصة لقمان. انت لا تتخيل انت لو ركزت في

الدين انت لا - [00:09:01](#)

انت لو ركزت في الاسبوع اللي باقي من رجب وفي شعبان وفي رمضان انت هتوصلي لايه؟ يا اخوانا اللي بيركزوا مع ربنا دول

بيوصلوا لقمم شامخة قمم رهيبة. طيب الترابط الرابع ايه علاقة قصة لقمان بسورة الروم؟ سورة الروم اللي هي السورة اللي قبل

سورة ايه - [00:09:21](#)

اللي قبل بسورة لقمان طبعاً بالتأكيد يعني بالتأكيد يعني صورة الروم هي السورة اللي قبل لقمان. والا ما كناش نقول الترابط. اخر اية

في الروم ايه اللي هي بعدها على طول اللي بعدها طول سورة لقمان. اخر اية تقول لهم ايه؟ فاصبر ان وعد الله حق واه. ولا

يستخفك الذين لا يوقنون. لا - [00:09:40](#)

تاخذ فلك. على فكرة الكلمة دي هتبقى محور الدرس. مقابلة لا يستخفك باتين لقمان الحكمة. هو ده محور الدرس. الحكمة هي عكس

الاستخفاف. الحكمة هي عكس انك تبقى خفيف. يعني ايه لا يستخفك؟ يعني ايه انسان خفيف؟ انسان نفسيته ما لهاش لجام. انسان

ما عندوش فرامل - [00:10:00](#)

اللي يكبح باجناح نفسيته. اللي يشتمه يرد عليه. لما يغضب ينفعل. لما يسمع خبر وحش يحبط ويتقفل ويحزن. لما يشوف دنيا لعباه

يسيل يستخفك الانسان الخفيف اللي بيتعامل مع الحياة بنفسيته. اللي بياخد كل حاجة على صدره. اللي اهل الباطل - [00:10:20](#)

الزوق يقوم رايح مفجر ولا عامل تفجير ولا عامل مش عارف ايه. ده الانسان الخفيف. اللي هو ده انسان ما ينفعش ينصر الدين. فربنا

بيقول اللي الدين والدعوة لازم يبقوا حكماء. عندهم حكمة. يبقى الحكمة عكس الخفة. طب يعني ايه الحكمة؟ الحكمة هي انك تقدر

تحكم نفسك - [00:10:40](#)

انك تقدر تتحكم في نفسك. لساعة ما يحصل اي حاجة. عارضة. يعني ايه؟ لان المعنى ده معنى كبير اوي ومعنى خطير اوي كلمة

الحكمة اصلاً يا جماعة جاية من الحكمة. الحكمة اللي هي نهاية اللجان اللي بتتحكم في الفرس. من خلال اللجان تتحكم بها في -

[00:11:00](#)

فرس اللي ماسكة راس الفرس او او فم الفرس. فالحكمة انك انت يبقى نفسك انت متحكم فيها. تعرف امتى تشد اللي تعرف امتى

تسيب الايجابي؟ يبقى عندك فرامل في نفسك. انما الاية يستخفك الانسان الخفيف يغضب بسهولة. آآ لو حد شتمه يرد عليه -

[00:11:20](#)

تحبط بسهولة يتقفل بسهولة. يتربع بسهولة. يشيل لعباه من الاغراء اول ما يشوف اي اغراء بسهولة. انسان خفيف انما الحكيم اللي

يقدر يتحكم في نفسه قدام المغريات سابت. قدام التهديدات سابت. قدام ضغوط الواقع سابت. قدام - [00:11:40](#)

انسان حكيم قادر يتحكم في نفسه هتاخذ المعنى ده هناخده بصورة واضحة جداً. ولكن الوقت اول ما ندخل في الايات اللي

يعينيني هنا علاقة الروم بقصة لقمان او بسورة لقمان المقابلة ما بين لا يستخفك وما بين اتينا لقمان ايه؟ الحكمة فقيه ترابط اعجاب -

[00:12:00](#)

اللي وضع الصورة دي بعد الصورة دي الله سبحانه وتعالى. طيب علاقة آآ قصة لقمان ومن الناس من يشتري لهو الحديث ليضل ليضل

عن سبيل الله. جت قصة لقمان بعد مجهود اهل الباطل الرهيب. في حرب القرآن وفي حرب الدين. ايه الترابط؟ الترابط يا اخوانا -

[00:12:21](#)

ان يعني لما تيجي قصة لقمان بعد ليضل عن سبيل الله. بعد ان فيه ناس بتحارب الدين كأن قصة لقمان هي طريقة ازاي رد على الناس دي. ازاي نرد على اللي بيحاربوا دين الله سبحانه وتعالى؟ نرد عليهم ازاي؟ على الذين يحاربون دين الله. تربية الاطفال -

00:12:41

جلسة تربوية خاصة ما بين لقمان وما بين ابنه. يعني ده المفروض بقى نرد عليهم السنين اللي فاتت دي سمعنا كلام كثير. لازم نعمل قنوات اعلامية جبارة وللازم قنوات العلمانية يترد عليها باعلام مرعب واعلام منفق عليه مليارات زيك زيهم. يا ابني - 00:13:01 ما هو صح لازم اعلان صح ما فيش مشكلة. ولكن انت لازم تفهم فعلا الرد ايه. الرد على الاعلام المرعب بتاع لهو الحديث كان جلسة تربوية خاصة. جلسة تربية اولاد. انك انت ترجع تقعد مع ابنك ولا بنتك. وتبدأ تربى فيهم. وتحبي السنة المبهرة. سنة -

00:13:21

وهو يعظه وهو يعظه مش مربى محفظ المسجد يعظه. مش تجيب محفظ قرآن لابنك يعظه انت اللي لازم تقعد انت اللي لازم تدي له. انت اللي لازم تربيته. بعد كده كل الدنيا هتربي ابنك معك. انما انت لو ما قعدتش مع ابنك ما حدش هيربيه - 00:13:41 حدش هيربي لك ابنك على المفاهيم اللي انت عاوزها. يبقى اذا قيمة التربية قيمة التربية في مواجهة هذا الباطل. قيمة ان احنا بنبي نماذج متأسسة بحق وحقيقي. قيمة طفلة زي الطفلة اللي على رجلي داهية - 00:14:03

لما يبدأ يعني دكتور احمد كده يقعد معها كده ويبدأ يربيها ويبدأ يديها. تطلع بكرة نموذج لا يتأسر بالباطل. ليه لان واخدين تربية صح. كأن ربنا بيوجهنا. اعرفوا ازاي تردوا على الباطل. الرد على الباطل هو بيعلوا صوتهم. اغضض من صوتك ده مش عنده. هو -

00:14:20

معركة صوت خدوهم بالصوت ليغلبوكم. علوا الصوت علوا الصوت. اقعدوا زعقوا في التوك شو. اقعدوا جعجعوا. اقعدوا اتكلموا بصوت عالي بصوت علي بصوت عالي لحد ما التانيين ما يبقاش لهم صوت. ربنا بيقول لك مش معركة صوت. اغضض من صوتك. احنا ما بنكسبش برفع الصوت. احنا بنكسب بالحجة - 00:14:40

احنا بنكسب بالحجة مش صوتك حصانك هي حجتك. ده ترابط خامس. طيب قصة لقمان ايه ترابطها مع سورة لقمان كلها. ترابط القصة مع الصورة كلها. الصورة كلها بتتكلم عن الله. والعقيدة ونعم الله. وعظمة - 00:15:00

الله! طب قصة لقمان في النص ليه؟ حبيب قلبي اصل هو مش كلام بس حبيبي خيلنا نقعد ندي كل يوم خمسين درس. عن الدين والتدين. بدون ما يبقى فيه نموذج عملي. بيتحقق فيه الكلام - 00:15:20

ده الناس مش هتصدق. الدين الدعوة مش ان احنا نتكلم عن ربنا بس. ان يطلع ملتزمين لو شفتهم يذكر الله الدعوة مش ان احنا نتكلم عن الاخلاق بس. ان يطلع نموذج عملي مطبقها. يبقى طول ما انت مش مطبق الدين. طول ما انت مش مطبقة الدين -

00:15:35

كل كلامنا عن الدين مش هيجيب نتيجة. هيبقى كلام انما عشان الناس تصدق اللي احنا بنقوله لازم نطبقه. اقعد ادي خمسين خطبة عن الزهد. طول ما انت ما انتش زاهد ما حدش هيصدق. اقعد ادي خمسين خطبة عن الزور. طول ما الدنيا غالية على قلبك. ما بتطلعش للناس - 00:15:55

اكرام في الدعوة الى الله. الدنيا مش سهلة انك تطلعها. ما حدش هيصدقك. اقعد اتكلم عن قيام الليل. طول ما انت ما بتقومش الليل حد اقعد اتكلم زي ما انت عايز تتكلم. القضية ان ربنا جاب في وسط السورة نموذج عملي زي سورة الانعام. ليه ييجي نموذج سيدنا -

00:16:15

ابراهيم في النص كذلك نوري ابراهيم ملكوت السماوات. لان الموضوع مش كلام بس. الناس محتاجة تسمع عن الدين وتشوف دين يمشي على الارض تسمع قرآن يتلى وتشوف قرآن يمشي على الارض. طيب ايه ترابط قصة لقمان مع الايات اللي بعدها في -

00:16:35

سورة لقمان الم تروا ان الله سخر لكم ما في السماوات وما في الارض. الم تروا بقينا بنكلم المجتمع ونازلين للمجتمع بعد جلسة

الاطفال ايوه ما هو يا ابني حصونا مهددة من الداخل. لو بيوتنا استقرت هنعرف ننزل للمجتمع بقوة. وهيبقى خطابنا العام قوي. وانت واقف على اساس اولادي اهم - [00:16:55](#)

فقل تعالوا ندعوا ابناءنا وابناءكم ولادنا اهم. ولاد ملتزمين اهم. زوجات ملتزمين اهم. استقرار اسر الملتزمين اهو. اولادنا انجح ولاد. واحنا اديني موديل ناجح. خرج لي اسرة ملتزمة ناجحة. وبعد كده قل للمجتمع المتروا ان الله - [00:17:15](#)
سخر لكم يبقي ده ترابط. طب ايه ترابط لقمان مع سورة السجدة اللي بعدها؟ سورة الامامة جعلنا منهم ائمة. لو الحكمة بتاعة اتضافت على السجدة. السجود بتاع سورة السجدة وتتجافى ذنوبهم. والعبادة ستصل الى الامامة. فلو جبنا لقمان والسجدة - [00:17:35](#)

لو جمعناهم مع بعض جمعنا حكمة لقمان مع عبادة السجدة ستصل لصورة الاحزاب اللي بعدهم. ان هو ده طريق النصر على الاحزاب. هو ده طريق النصر الحقيقة القرآن بيديك خط سير. ولكن اللي يقدر - [00:17:55](#)
يبقى الحكمة في لقمان خطوة للامامة وخطوة للنصر على الاحزاب. المتحيزين ضد دين الله سبحانه وتعالى. آآ الترابطات كتير جدا ويعني اتكلمنا عن ترابط آآ قصة لقمان مع الايات اللي قبلها في اربع عناصر والايات اللي بعدها وترابط قصة - [00:18:11](#)
لقمان مع الصورة كلها ان ده نموذج عملي في وسط الكلام على الارض. لسة ترابط قصة لقمان مع اخر سورة لقمان. قصة لقمان اب قاعد مع ابنه وقعد يكلمه عن ربنا ويقول له انا بحبك يا بني يا بني احب الناس الى قلبي. اخر السورة يا ايها الناس. اتقوا ربكم - [00:18:31](#)

واخشوا يوما لا يجزي والد عن ولده. ولا مولود هو جاز عن والده شيئا. لا اب هينفع ابنه. ولا يا ابني هينفع ابوه كأن انت الوقتي في فرصة كأن انت الوقتي فرصة استفيد من ابوك استفيد من ابنك استفيد اوعضوا بعض لأ هيجي - [00:18:51](#)
ما حدش هيفتكر حد. لقمان لو ابنه كان كفر وظل كافر لو شاف يوم القيامة ولا هيبص له. سيدنا ابراهيم هيشوف ابوه بيتمسخ ضبع يوم القيامة ويتشال من قوائمه يترمي في النار مش هيبص له خلاص سيدنا محمد هيشوف ابو طالب بيترمى في النار يوم القيامة - [00:19:11](#)

هيبص له خلاص قصة وانتتهت يعني الترابطات كتير وترابط لقمان مع الروم اتكلمنا فيه وترابط لقمان مع السجدة والاحزاب اللي بعدهم اتكلمنا فيهم. تعالوا نبدأ ندخل في الايات كده بقى - [00:19:31](#)
بسم الله والصلاة والسلام على رسول الله. ولقد اتينا لقمان الحكمة. ان اشكر لله. الحكمة. الكلمة الجبارة دي. الكلمة العالية اوي اوي اوي اوي دي. ولقد اتينا لقمان يعني ايه الحكمة يا جماعة؟ قبل ما ندخل اسمه لقمان الحكيم والسورة من اولها تلك ايات الكتاب الحكيم - [00:19:45](#)

يعني ايه الحكمة؟ الحكمة انك انت تقدر تحكم نفسك قلنا مفتاح فهم كلمة الحكمة. كلمة ولا يستخفك الذين لا انك ما تبقاش خفيف. يبقي احنا عايزين النموذج اللي يقدر يحكم نفسه. اللي عنده حكمة في القدرة على ان هو يحكم نفسه. طب لقمان - [00:20:05](#)
حكم نفسه في ايه؟ يا نهار ابيض! تعال بقى نبص في قصة لقمان بصة سريعة كده من فوق كده الاول هيليكوبتر فيو كده. نشوف الحكمة عند لقمان الحكيم. اول حاجة ان اشكر لله. انه حكم نفسه مع نعم ربنا. نعم ربنا زي ايه؟ زي الفلوس. ان ربنا يدريك فلوس زي الشباب - [00:20:25](#)

ان ربنا يدي الواحدة جمال. ان ربنا يدي الواحد قوة وصحة ان ربنا يدريك مركز. الناس اول ما بتشوف النعم بتنسى ربنا ده اول ما شاف النعم ان يشكر لله يبقي حكم نفسه مع الله. ما بقاش خفيف. ما جراش على النعم ونسي المنعم. انيشكو لله - [00:20:45](#)
اكبر ظاهرتين في الدنيا لو جه كائن فضائي زار الكرة الارضية اكبر ظاهرتين هيشدوه هم زاهرة سخر وظاهرة اسبغ اللي هم الصفحة اللي بعد كده. الم تروا ان الله سخر لكم ما في السماوات وما في الارض. واسبغ عليكم نعمة. ظاهرة صقر - [00:21:05](#)
هو الكون ده كله بيخدم في ليه؟ والغلاف الجوي بيخدمني ونسبة الاكسجين بتهدمني وسمك القشرة الارضية. والكواكب والنجوم والشمس والقمر. هو كله قاعد يخدم في ليه؟ كل دول خدامين عندي ليه؟ والظاهرة الثانية اسبغ انك غرقان نعم. غرقان. خمستاشر

مليون جهاز تكييف في جلدك - 00:21:25

اوضة عرقية والا تولع وتتحرق. خمسة وتلاتين مليون آآ آة هضم في معدتك. والا ما تعرفش تهضم بس الياية. ولا حنة عيش حتى ربع مليار خلية استقبال نور في عينيك. اتنين مليون وصلة عصبية مع مخك. ايه؟ مية - 00:21:45

كيلو متر فلتر ترشيح في كلتك. هو كل ده ليه؟ ميت مليون خلية عصبية عشان التواصلات اللي كل جوة مخك حالة من التواصلات اللي على وجه الكرة الارضية. يعني عدد خلايا التواصل في مخك اكتر من عدد مجرة التبانة. نجوم مجرة التبانة. كل ده ليه -

00:22:05

فالظاهرتين اللي يبهروا الانسان في الدنيا ظاهرة سخر وظاهرة اسبغ. ودول اكتر حاجتين البني ادم مش عارف عنهم حاجة. ولا مركز هم عشان كده اول حكمة. اول مشاهد الحكمة ربنا قال ولقد اتينا لقمانا. الحكمة ايه؟ ان اشكر لله. ده اول الحكمة. يبقى آآ عايز تعرف انت حكيم ولا لا - 00:22:25

اول ما يفتح الله على العبد بالحكمة ان يرزقه الحكمة مع الله. انك تعرف تعرف ما هو اللي حصل ايه ان المرة اللي فاتت خدنا قول الله هذا خلق الله. يعني ايه هذا خلق الله؟ يعني خمسة واقفين واحد معه عربية مرسيدس وواحد معه مفتاح قصر في ارض الجولف

00:22:45 -

وواحد معه مفتاح شركة وواحد معه مفتاح عربية مش عارف ايه. وواحد معه مفتاح خزنة فيها مليارات. فقام جاي واحد كده قال له هات المفتاح بتاع الشقة اللي في ايديك ده. ده انا بتاع فلان. وهات مفتاح الخزنة اللي في ايديك ده. ده بتاع فلان. وانت هات مفتاح العربية اللي معك. ده بتاع فلان. وانت هات مفتاح - 00:23:05

الشركة اللي معك. ففجأة الخمسة بعد ما كانوا مرسومين وعاملين يا ما هنا يا ما هناك. واقفين كدهوت ايديهم جنبهم. وطلعوا شوية شحاتين. طلعوا طبيب وكل ده طلع بتاع واحد تاني. اهي دي هذا خلق الله. فيه ناس بتنصب على البشر. ان هي تسلب نسبة النعم -

00:23:25

لله سبحانه وتعالى وتنسبها للبشر. فجده لقمان بعدها ربنا قال ولقد اتينا لقمان الحكمة ايه؟ هنشكر ايه؟ لله انسب كل نعمة له لوحده. اعرف ان كل حاجة بتاعته هو. ارجع بقى. ارجع بقى - 00:23:45

القضية من الاصل بقى. افهم ان كل اللي انت غرقان فيه ده منه هو. انشكر لله بعد هذا خلق الله. فالحكمة الله. طب الحكمة التانية لما لقي ابنه كافر ومراته كافرة قول جمهور المفسرين ان لقمان كان ابنه كافر. لانهم قالوا لا تشرك ما فيش حاجة اسمها ان واحد -

00:24:05

المؤمن اقول له لا تشرك او يعني ده غالب سياق اللغة واستعملها. فقالوا ما دام قال له لا تشرك ان هو كان مشرك. في هذه اللحظة. عشان كده لقمان فضل مع ابنه مين من تحت الصفر من اول لا تشرك لحد ما وصله ان ذلك من عزم الامور. لحد ما وصلوا للقمة -

00:24:25

ان احنا نفضل مع الناس من القاع لحد ما نوصلهم للقمة. مش قضية ان احنا نرمي درس ولا ننزل جولة وبعد كده السلام عليكم وعليكم السلام. ان احنا نفضل مع المجتمع ونفضل مع الناس. عشان كده الصفحة دي بتاعة قصة لقمان مع ابنه. دي مش جلسة -

00:24:45

دي مش جلسة كرقمان عمل فيها كل ده. لقمان ما وصلش ابنه من لا تشرك بالله لمقام اؤمر بالمعروف وانهى عن المنكر. واصبر على اعصابك في جلسة ده ملخص مسيرة قطعها معه جلسة ورا جلسة ورا جلسة لحد ما خده من قاع طلعه للقمة هي دي - 00:25:05

يبقى حكمة. الحكمة في التغيير. الحكمة في التدرج في التغيير. الحكمة مع الانسان مع اخطاء الآخرين. ما شافش ابنه غلط مولع فيه وانا اسيب لكم البيت. وانا مش هساكن مش فضل معه. لحد ما ابنه اسلم ومراته اسلمت. الحكمة في - 00:25:25

دعوة وفي طريقة التغيير وفي التدرج. وبدأ بالاصول ازاى وترقى فيها ازاى. بعد كده الحكمة انه يقدر يحكم نفسه ولا تصعر خدك للناس. انه يقدر الناس مين؟ الاغنيا. المليونيرات اللي اول ما الناس بتشوفهم للالعاب يسيل. واحد غني. ده واحد من - 00:25:45

ملياردير ده الامير فلان ده الملك فلان ولا تصعر خدك للناس. انه يقدر يحكم نفسه ساعة ما يشوف الاغنيا. ساعة ما يشوف اصحاب الاموال ساعة ما يشوف اصحاب السلطان ساعة ما يشوف اصحاب المراكز. ما ينافقش. ما يتزلش. ما يسعرش خده لهم. ما يميلش وشه لهم - [00:26:05](#)

وبرضو على القول الثاني ساعة ما يشوف الفقراء ما يقعدش بقى يتكبر على الفقير يقدر يحكم نفسه لما يشوف الغني ولما يشوف الفقير ولا تمشي في الارض مرحا. يقدر يحكم نفسه ساعة ما يشوف المتعة. يلا فيه طلعة للساحل الشمالي يلا معك. يلا ده فيه مش عارف عندنا ايه - [00:26:25](#)

يلا نطلع روسيا عشان نتفرج على مباراة ايه! ولا تمشي في الارض مرة. قادر يحكم نفسه. قادر يحكم نفسه ساعة ما يشوف المتعة. ساعة ما يشوف الشهوات قادر يحكم نفسه واقصد في مشيك. اقصد في مشيك دي يعني انت وزير اقتصاد عمرك. اقصد يعني اعرف ان الخزنة بتاعتك وسروتك - [00:26:45](#)

يا عمرك اعرف بقى عمرك ده هتديه. هتدي منه كثير لايه ونص نص نص لايه وقليل لايه؟ ادارة الوقت دي ادارة سروتك العظمى في الحياة وهي عمرك. اقصد في مشيك انه يقدر يحكم نفسه ساعة العروض. ساعة ضغوط الواقع. يلا عقد عمل. لا استنى - [00:27:05](#)
مش على طول كده. انا هشد اللي جنب بتاع نفسيتي واقف افكر الاول. يعني ايه الحكمة؟ يعني ان انا ساعة ما في حاجة تيجي لي مخيفة او محزنة او مستفزة او مغرية اشد اللي جاية من الاول بتاع نفسيتي. استنى. ما ترديش. فلان ببشتمك. استنى ما ترديش. ده في - [00:27:25](#)

ده عمل خمستاشر الف ريال. استنى! ما ترديش! ده فيه ماتش استنى! ما ترديش! اوما لايه! اقف يفكر ان في ذلك لايات لكل ايه؟ صبار. صبار شكور دي الطريق للحكمة الصبار. اقفي اقفي الاول استشيرى. استخير - [00:27:45](#)

فكري احسبها. شوفي المكاسب والخسائر على مستوى الدنيا والاخرة. بص عليها من كل الجوانب. اسألني الناس اللي فاهمة. استخيرى ربنا الاول في ركعتين بينك وبينه. اقفي بالورقة لو القلم واحسبها وبعد كده ردي هي دي الحكمة. يبقى الحكمة مش ان انا عندي معلومات كثير. ممكن واحد ما عندوش معلومات وحكيم. ليه؟ بيقدر - [00:28:05](#)

يتحكم في نفسيته. فما بيتعاملش بردود الافعال في اي موقف او عرض مغري او ضغط واقع. ما يتعاملش بنفسيته على طول ما كل الناس بتعمل لا لا لا لا يتعامل بحكمة يعني يقف الاول يقف في الاول يفرمل فرامل النفسية بتاعته يشغلها وبعد كده يستبصر - [00:28:30](#)

الاستخارة والاستشارة والاستبصار وبعد كده يرد. عرفتكم يعني ايه الحكمة؟ يبقى الحكمة المتصل بالحكمة هو انسان كثير المعلومات لأمال الحكمة دي صفة ايه؟ نفسية. عشان كده ايه الفرق بين الهداية والرشد والحكمة؟ الحكمة اللي ربنا - [00:28:50](#)

اتكلم عنها في سورة ايه؟ لقمان. والرشد عسى ان يهديني ربي لا قرب من هذا. رشد. اللي ربنا اتكلم عنه في سورة ايه؟ الكهف. والهداية اللي ربنا معناها في سورة الفاتحة. ايه الفرق بين الثلاثة؟ الهداية دي الكلمة الام اللي شملت كل ده. امال الرشد دي الهداية العقلية. انك تبقى عارف خط - [00:29:10](#)

بتاعك صح. اوما الحكمة دي الهداية النفسية. ان نفسيتهك مش هي اللي سايقاك. انما بتقف الاول كده وتفرمل وتفهم الصح ايه وبعد كده تتعامل بعد ما تكون شفت. فهي دي الحكمة ان ربنا يهدي لك نفسيتهك. اقفي استنى - [00:29:30](#)

الحكمة بتاعة لجام النفسية في ايدك شد اقفي هنا مش تجري اول ما تشوفي دنيا تقومي جارية مش حكيم اللي يعمل كده اول ما شوفي اذى لا واصبر على ما اصابك. قادر يحكم نفسيته ساعة الازى. ابوة ده عشان ربنا. اصبري. ساعة الصلاة يا بني اقم الصلاة. ان ده - [00:29:50](#)

شد اللجام انزلي يلا انزل صلي. أوامر بالمعروف. ساعة ما يشوف الشباب بيعصي ربنا هيكسفوني. نفسيتهك عايزة تقرا. شد اللجام خدي اتكلمي عن ربنا. ادخلي ذكرهم بالله. ادخلي ما فيش حد هيكسفك ولا حاجة ولو حد كسفك في سبيل الله. ساعة الرزق يأتي بها الله - [00:30:10](#)

اه يأتي بالله لو لك مثقال حبة من خردل في رزقك. ربنا هيجيبها لك. ساعة ما يحصل ازمة في الرزق. اجري شف اي حل. يا عم
خلاص يا عم بلدية ايمان بلا بتاع. شف اي اي وعقد عمل شد اللجام. اقفي. اصبري بس بالله. انت لو لك مثقال حبة من خردل في
رزقك ربنا - [00:30:30](#)

اجيبه لك. يبقى ساعة الازمات. ساعة الاحلام والاماني. ان الله لا يحب كل مختال. اللي عايش في الخيال. اللي عايش في شد اللجام
هو انت بتحلمي وخلاص! هاسيبك تحلمي وخلاص. ولا انت ها هتقلبي على الطريق اللي انت ماشية فيه! انسان لجام نفسيته في ايده
- [00:30:50](#)

الحكمة في ايده مش في ايد نفسيته. مش هو اللي متساء من نفسيته. هو اللي سايقها. عشان كده واقصد في مشيك. استني. استني
عمرك عمرك انا وزير اقتصاد العمر ده ده سرتي استني هو الموضوع ده يا عبادة ولا دعوة ولا شغل ولا دراسة ولا صلة رحم -
[00:31:10](#)

عشان اعرف انا هادي له قد ايه من عمري. اقصد في مشي. واغضض من صوتك. ايوة. مش يقعد في مجلس اقران. انا عايز ابقى
الكبير هنا. لأ قادر يحكم نفسيته بقى مش - [00:31:30](#)

خفيف علي صوتك. كل ما تعلي صوتك كل ما تبقى اعلى من اقرانك. او اطلع على المنبر زعق زعق زعق. ليه؟ لما تزعق تقدر تكسب
اللي بينازروك لا يا حبيبي احنا مش اغضض من صوتك. انك ترد بالحجة ان يبقى قوتنا في الحجة مش - [00:31:40](#)
في رفع الصوت مش خدوهم بالصوت ليغلبوكم زي ما قال الباطل بيعملوا معنا. انك تتعلم انك تحكم نفسيتك. فما تعليش صوتك
عشان تتصدر وتاخذ موقع لا لا لا بالحجة. فلقمان يا اخوانا - [00:32:00](#)

الايات بتاعته حتى مع الوالدين. جاهداك على ان تشرك به. ده مسكه سعد ابن ابي وقسمه وولع فيه. ولع في في الحصر وهو جواه
ده منعوهم من الاكل صاحبهما في الدنيا معروفا. ابقى صاحبه ده واحد بيعزبني عشان الدين صاحبهما في الدنيا - [00:32:17](#)
معروفة ردود افعالك مش بانفعالاتك. النفسية ما تبقاش خفيف. ما تتعاملش مع الحياة بنفسيتك وتبقى انسان خفيف. احكم نفسيتك
وخليك انسان حكيم. الكلام اللي بقوله لكم ده. انا حاسس انه من المعاني اللي انا نفسي بيتغير حياتي بها. عارفين ليه؟ لان انا النهاردة
وانا باقول يا رب اللهم انتي - [00:32:37](#)

الحكمة انا بدأت افهم انا بطلب من ربنا ايه زي كده يعني التوفيق انا ما كنتش فاهم يعني ايه التوفيق بس عارف ان التوفيق ده
حاجة حلوة لحد ما جيت في قول الله جزاء وفاقا. فقلت توافق قعدت ادور بقى والتفسير وكتب اللغة. فلقيت ان التوافق في نقل
الدم معناه - [00:32:57](#)

ان فصيلة اللي هينقل نسخة طبق الاصل من العيان اللي هيديها له دم. توافق الاعضاء معناها ان العضو اللي هيتبرع بحتة من كبده
والده ولا والدته معناها ان فصيلة الانسجة وكلمة السر اللي على خلاياها نسخة طبق الاصل من جسم المريض اللي هياخد. يبقى -
[00:33:17](#)

التوفيق ان يبقى اعمالك واختياراتك في الحياة. نسخة طبق الاصل من مراد ربنا. نسخة خطيبة الاصل باللي يوصلك للفردوس
الاعلى. نسخة طبق الاصل من اللي يوصلك للسعادة والنجاح. كلام خطير - [00:33:37](#)
بقول وما توفقي الا بالله وانا فاهم انا بقول ايه. خدتوا بالكم يا اخوانا يعني ايه ان احنا نفهم القرآن. يعني ايه ان احنا نفهم يعني ايه
اهدنا انا بطلب من ربنا ايه عسى ان يهديني ربي لا قرب من هذا رشدا يعني ايه رشد اديني خط سير يا رب - [00:33:57](#)

خط سير مع ولادي. اديني خط سير مع الناس مع الشباب اللي بيعصي. مع اخواني في بيئة الايمان. اديني خط سير في الدعوة.
اديني خط سير يا رب خط سير في حياتي. في كل حاجة في حياتي. نبقي فاهمين. احنا بنطلب من الله ايه؟ ولقد اتينا لقمان -
[00:34:17](#)

الحكمة اللام هنا لام القسم الله يقسم. الله سبحانه وتعالى يقسم ان هو اداه الحكمة. طب ليه؟ كان الله يقسم ان ما فيش حد حد
هيمشي في الطريق ده مش هياخد. انت ماشي في اجمل طريق واعظم طريق هتتغمر. يا اخوانا الم تروا ان الله ايه؟ سخر لكم ايه؟

معه في - 00:34:37

السموات عملت ايه يعني؟ صليت ولا صمت ولا ما عملش حاجة؟ ده ربنا اداهم للكافر قبل ما اداهم للمسلم. الله! واسبغ عليكم نعمه. هو اسبغ المؤمنين لا لا لا ده كله واخذ كل الكلام اذا كان كل النعم دي اذا كان سخر واسبغ اداها للكافر زي ما اداها للمسلم -

00:34:57

يعني اداها لك من غير ما تصلي ولا تسجد ولا تعبد. امال لما تسجد وتعبد. امال لما هيديك سخر بس سخر تانية هيسخر لك الكون على سبيل الولاية. هيسخر لك الملايكة على واسبك هيصبغ عليك. بس نعم تانية على قلبك - 00:35:17
روحك ونفسيك ورزقك وكل حاجة. يعني اذا كان ده يعني دايمًا يقول لك ايه في برنامج جوجل ايرث ده حاجة بابليك كده لاي حد يدخل ياخده. قال لك بقى فيه جوجل ارس بالاشتراك. ايه ده! قال لك ده انت ممكن تشوف نفسك في البلكونة وانت واقف في البلكونة. اتفرج على نفسك كده بس قبل اشتراك بقى. يعني - 00:35:37

دايمًا الحاجة الاسبيشيال بيبقى عرض تاني. فاذا كان العرض البابليك سخر واسبغ. او مال لما تعبد ربنا يهديك ايه؟ ولقد من عند الله لقمان الحكمة. يعني ايه لقمان كلمة لقمان الذي القم الحكمة القاما. عارف لما الواحد يلتقم الاكل كده ها الذي امتلاً فمه بالحكمة -

00:35:57

حكمة امتلاً فمه بالحكمة. اللي بوقه ده مليون حكمة. ها از كانه مليون لقمة كده. اللي ما بيخرجش من بوق والذي اذا تكلم بالحكمة القب كل من يسمعه من عظمة الحكمة التي يقولها. القى يبقى - 00:36:22
اوه مليون حكمة. طب والي بيسمعه بقى كأنه القم. يقول لك القم حجرًا في فمه. يعني سكك كده هو ما قدرش ينطق اول ما سمع الكلام ده فكأن من يسمع حكمة لقمان الباهرة يلقم يعني يسكت كده وما يقدرش من الانبهار بالكلام اللي بيقوله. يعني الحكمة نفسها درجات - 00:36:42

وربنا ادّى له درجة عالية اوي اوي اديها له ليه؟ عشان جهده مع الله. ولقد اتينا لقمان الحكمة ان اشكر لله. قال لك ده اول الحكمة. عايز تعرف ربنا بدأ يفتح عليك بالحكمة ولا لا؟ اول ما يفتح الله عليك من الحكمة ان - 00:37:02
يفتح عليك في الشكر. انك تبدأ كده تصفى وتنسى الخلق كده وتشوف ان ربنا عمل لك كتير اوي اوي اوي. وان نعم ربنا دي انت لك لازم تشكروا قصاها. هو يعني ايه الشكر يا جماعة؟ الكلمة اللي هتجيب لك الخلاصة بتاعة معنى الشكر واسم الله الشكور. شكرت الدابة شكرت الدابة. لو - 00:37:22

جالي علف قليل وجابت لبن كتير في درعها. واتملت لحمة في جسمها. فامتلت بالحم واللبن وهي واخدة على فلان نسمع شكره الدم. يبقى يعني ايه الله الشكور؟ يعني اللي اقل ركعة ولا سجدة ولا خمس دقائق قبل الفجر تصليهم تلاقيه ملا حياتك - 00:37:42
نعم ليه شكور. تصلي ركعتين يديك فردوس اعلى. ايه ازاى يعني شكور. طب يعني ايه ان انا نفسي ابقى شكور؟ انك انت ملأ قلبك بحمد الله على النعم. وتملى بلسانك الدنيا ثناء على الله على النعم. وجوارحك - 00:38:02

اتملى عبادة شكر لله على النعم. وتنسب كل حاجة في حياتك لله هو ده الشكر هو ده نشكو لله الدنيا صفته وبقيت ماشي صح. وبقيت فاهم صح. عشان كده ربنا جاب في السورة الطريق للحكمة. قال ان في ذلك لايات - 00:38:22
ها صبار شكور اشمعنى؟ شكور؟ يعني انت شايف صح اصلا قبل ما يحصل الموقف الانفعال اللي حصل انت شايف صح. شكور ناسي بكل حاجة لله لما حصل الموقف صبار وقفت واستنيت واتأنيت لحد ما فهمت وبعد كده اتصرفت. فهو ده الطريق للحكمة في الكلمتين دول اللي مذكورين في سورة لقمان - 00:38:42

ولقد اتينا لقمان الحكمة ان نشكر لله. يبقى اول الحكمة فيما بينك وبين الله. طب تاني الحكمة واذا قال لقمان لابنه وهو ايه وهو يعظم. انك تدعو الى الله. انك انت جوة بيتك يبقى عندك حكمة مع ولادك في الدعوة الى الله ومع اهلك في الدعوة الى الله -

00:39:02

قال لك دول اعظم مظهرين للحكمة اللي ربنا جابهم مع لقمان وبعد كده باقي صفات لقمان. ولقد اتينا لقمان الحكمة ان اشكر لله لله.

انسب كل النعم لصاحبها الحقيقي. وسيتك من النصابين والافاكين. اللي كل ما يكتشف - 00:39:22

حاجة في الكون ينسبونها لنفسهم. وهي اصلا بتاعة ربنا. هم بس اكتشفوها. ومن يشكر يشكر مضارع مستمر لان النعم مستمرة ما بتقفش. فلازم الشكر يبقى مستمر بالقلب واللسان والجوارح. فانما يشكر لنفسه. انما اقوى اداة قصر في اللغة. يشكر لنفسه. ان لم -

00:39:42

دي لو دي لا من عاقبة يبقى عاقبة شكرك هتعود عليك انت اصلا. يعني كل ما ربنا يديك نعمة تعبهه وتشكره عليها ربنا يزود النعم.

المفتاح في ايديك. يا ابني - 00:40:02

يا ابني مفتاح الخزان في ايديك. حنفيات نعمة الزوجة دي حنفية. نعمة الاولاد حنفية. نعمة الفلوس حنفية. نعمة الدراسة حنفية نامت

انت مفتاح الخزان اللي بيدي كل ده ربنا مديه لك. اللي هو الشكر. كل ما تشكر تلاقي النعم والامر - 00:40:15

حنفيات اكثر واكثر هو ده ايه! انت جبتها من المصدر. ومن يشكر فانما يشكر لنفسه. ومن كفر فان الله غني. وربنا محتاجك في حاجة

بس غني حميد. حميد يعني يعني الكون كله بيحمده على نعمه. يعني ربنا مش محتاجك في حاجة. وحميد يعني بيدي بيدي نعم

يحمد - 00:40:35

عليها يعني ابني مزعل ابوه قوي وقافله قوي ويعني فابوه عايز يجيبه. فابوه في جيبه مسلا ميت الف دولار. فقام مطلع المية الف

دولار وقعد ما هو مش بيعدهم ولا حاجة. هو بيقول لابنه شايف انا معي ايه يا عم دين بقى وتعال صالحني. يا عم اتعادل بقى معي

عشان اديك. بيغريك - 00:40:55

لله المثل الاعلى ربنا لما بيقول للي كفر انا حميد بيغريه. بيقول له شف اديت لاوليائي ايه؟ كل ده عشان ايه؟ عشان يغريك ان هو

بيجي رحمة الله سبحانه وتعالى. واذ قال لقمان لابنه وهو يعذر. الله اكبر. لقمان عمره ما كان يتخيل - 00:41:16

لو هو قاعد مع ابنه بيكله عن ربنا ان الجلسة دي ربنا هيخلدها في القرآن من فوق سبع سماوات الجلسة دي ربنا بيحبها اوي. النهاردة

جيت ابدأ في الايات كده اجهز فيها وانا اول ما وصلت عنده وهو يعظ وقلبي تاعبني - 00:41:36

قلت يعني انت هتروح تقول للناس اتقوا الله واقعدوا مع ولادكم. قفلت الحاجة وقمت لميت عيالي وقعدت اتكلم معهم عن ربنا وعن

الجنة وعن النار. قلت الواحد يطبق الاول. يا ابني انت لما بتدي وقت لولادك الله بيبارك لك في عمرك - 00:41:54

الله بيبارك الله يحب هذه الجلسة. دي من اسباب حب لديه الجلسة السحرية. اللي بس لو طبقناها الدنيا تتغير. يا ابني يعني انا ملتزم.

عندي مسلا اربع اولاد مسلا. يعني ربنا يرزق الجميع الذرية الصالحة الطيبة المباركة يا رب. ويجوزكم الاول وبعد كده يرزقكم. تأكيد

يعني - 00:42:14

فانت دلوقتي ولادنا عددهم اكثر منا فلو ما عملناش اي حاجة في الدعوة غير ان احنا ربنا ولادنا صح. الملتزمين هيتضاعفوا كل

شوية. ملتزمين ما بيهزوش اصلا. ما بيزيدوش ليه - 00:42:34

لا بيهتموا بولادهم ولا هم نفسهم كثير منهم بيثبت. لو لم نفعل من الدعوة الا تربية الاولاد المجتمع ده. في خلال خمسين ستين سنة

كله هيبقى ملتزم. فده طريقة جبارة. من الايات اللي وجعت قلب قول الله سبحانه وتعالى فان آآ فقل تعالوا ندعوا ايه - 00:42:50

ابناءنا وابناءكم. النبي عليه الصلاة والسلام بيقول للكفار ايه؟ ادي ولادنا وادي ولادكم. ولادنا هيرفعوا ايدهم ويقولوا يا رب. وولادكم

هيرفعوا ايدهم ويقولوا يا رب. شوفوا بقى ربنا هيسمع دعاء مين؟ النبي بيتباهى باولاد الصحابة - 00:43:10

طب احنا الوقتي لو جنبنا ولاد المسلمين بتوع سبيس تون والجيمز واليوتيوب وحطيناهم قصاد ولاد الاوروبيين هتلاقي الاخلاق زي

بعضها. الفرق هتلاقي ايه؟ ان التانيين عندهم اخلاق. وان التانيين عندهم ايه سكس متربين عليها ومبادئ متربين عليها. هتبقى

مصيبة - 00:43:28

يا اخوانا واطفالنا لهم عابدون. ماشيين وراهم يمين يمين. شمال شمال مشكلة. مشكلة ان احنا مش قادرين ندرك الرسالة في تربية

ولادنا واذ قال لقمان لابنه وهو وهو مش المحفظ بتاع الجامع كان ممكن - 00:43:48

ربنا يقول واذ قال لقمان لابنه واعظا. ما القرآن مبني على الاختصار. والبلاغة الاختصار. ليه ربنا قال وهو يعظ يقعد جت مضارع ليه؟

لإفادة استحضار المشهد لان المشهد ده ربنا بيحبه اوي. طب كلمة هو جت ليه؟ هو اللي لازم يقعد - [00:44:08](#)
ما فيش حاجة اسمها محفظ قرآن يربي لي ابني. مدرس مدرسة يربي لي ابني. كل دول يربوا لك ابنك لما انت تربي ابنك. وهو حدش هيربي ولاد حد. عشان كده - [00:44:28](#)

اولاد الملتزمين الواحد لآخرها. يا بيطلعوا ائمة يا بيطلعوا والعياذ بالله افسد ناس. وافسد شباب لان ابن الملتزم ده لو اهله اهتموا به
بجد بيطلع احسن من اهله ميت مرة. واذ قال لقمان لابنه وهو يعظه - [00:44:43](#)

يا بني لا تشرك بالله. يا بني يا بني من البنوة يا حبيبي وكلمة تصغير انا باحبك الطب النفسي يقول لك لازم يكون فيه علاقة عشان
تقدر تغير اللي قدامك. لازم الكلمات الدعوية تعدي على جسر علاقات اجتماعية. العلاقة الدعوة الى الله - [00:45:01](#)
يا اخوانا مش هنغير الناس من غير ما نكون بنحب الناس. وقريبين من الناس. وبتتكلم بلغة الناس. يا بني يا حبيبي انا باحبك بيدأ
يسمعه. يا بني ممكن مش بس من البنوة من البناء لازم - [00:45:25](#)

افهم يا كلاب ان وظيفتك انك تبني ولادك. هو نفس الجزر اللغوي. الجزر اللغوي بتاعة يا بني تاج ثلاث كلمات. يا اما من البنوة يا اما
من البناء يا اما من البواني. الثلاث حاجات دول. والمعنى جميل في الثلاثة. يبقى يا بني الحب ان احنا لازم نفهم الناس ان احنا -
[00:45:45](#)

احنا بنحبهم عشان وان يبقى في علاقة عشان يسمعونا. الحاجة الثانية ان البناء لازم تفهم ان وزيفتك انك تبني ابنك. مش ترمي له
كلمتين ولا توديه محفز قرآن القصة خلصت ولازم تفهم الناس ان انا كل همي ان انا ابنيكم. او من البواني. البواني في اللغة رجلين
الدابة اللي بتقف عليها - [00:46:05](#)

يا ابني انا مش هقدر اقف في حياتي من غيرك. او ضلوع الصدر اللي بتحمي القلب. يا ابني انت سندي وحمائتي. يبقى ان احنا نفهم
المدعو بقيمته وبأهميته يا بني لا تشرك بالله. ان الشرك لظلم عظيم - [00:46:25](#)
لا تشرك لا تشرك بي. يعني الكلمة بقى اللي نقف عليها هنا ان شاء الله عشان نصلي العشاء او اذان العشاء لا تشرك. يعني ابنه كان كافر
ومع ذلك بكل حكمة بقت ما تقفش معه - [00:46:44](#)

وانما عايزين نغير المجتمع نغير واحدة واحدة. فضل معه لحد ما اوصله وامر بالمعروف وانهى عن المنكر. واصبر على ما اصابك ان
ذلك عزم الامور فضل معه لحد ما وصله للقامة. الله اكبر. وكمل معه الطريق. القضية مش ان احنا نكب للناس كلمتين وعزيتين
ونسبهم - [00:46:58](#)

ازاي نكمل مع الناس الطريق وبترتيب سليم بدأ معه بالعقيدة لا تشرك بالله. وبعد كده دخل معه بقى في الرزق ومعرفة الله انها ان تك
مثقال حبة من خردل يأتي بها الله. وبعد ما اسس عنده العقيدة والاتصال بالله دخل معه على العبادات اقم الصلاة - [00:47:18](#)
اه وامر بالمعروف وانه عن المنكر. وبعد كده دخل معه في الاخلاق اقصد في مشيك واغضض من صوتك. مشي معه بترتيب سليم. ما
انا لو كلمته عن الصلاة كلمت عن الصلاة وانا مش عارف هو بيصلي لمين مش هيصلي. فالاول قال له يأتي بها الله كل حاجة بايده.
وبعد كده قال له يا بني اقم الصلاة - [00:47:38](#)

اقم الصلاة. صل بقى للي بالعظمة دي. صل للي يقدر يعمل لك كل احلام حياتك. فبدأ معه من القاع ووصل معه فضل مكمل الطريق
تدرج بدأ الاول بالاصول وبعد كده فرغ عليها العبادات والاخلاق. والترتيب سليم - [00:47:58](#)
ما بدأش بحاجة في الزراعة يقول لك ما ينفعش اروي قبل ما احرت! والا ما يطلعش زرة! اه بالزبط كده! هو مشي معه بترتيب صح!
فوصل في النهاية ان نفسه بقى اية من ايات ربنا في الاستقامة على مراد ربنا نقدر نغير المجتمع كده نقدر يبقى عندنا الحكمة دي في
تغيير المجتمع نقدر نتحكم - [00:48:18](#)

في عملية التغيير بحكمة من الله سبحانه وتعالى يا بني لا تشرك بالله ان الشرك لظلم عظيم. انا كنت ظالم ومتخيل ومتوهب ان انا
هخلص الصفحة النهاردة ولكن يبدو ان انا ظني وتخيلاتي يعني الله لا يحب كل مختال. مش عايزين حد يعيش في الخيال منا -
[00:48:38](#)

يا جماعة والله انا كنت يعني بقول طب سيب اخر ايتين طب ما تسيبش اخر ايتين انما احنا كده يعني وقفنا عند اول ايتين ونسأل الله سبحانه وتعالى التيسير المرة الجاية - [00:48:58](#)

ان شاء الله بازن الله نخلص قصة لقمان ولكن اهم حاجة. عايزكم تخرجوا بها النهاردة يا جماعة معنى الحكمة. انا اكثر حاجة مزلزلة قلبي معنى الحكمة معنى الحكمة وانه عكس لا يستخفك الذين يوكلونك. ما تبقاش خفيف. ازاي تقدر تحكم نفسك؟ ازاي اللي جاب نفسيتك يبقى في ايدك؟ ازاي فرامل نفسيتك تغير - [00:49:08](#)

بتاعها كل شوية في غرفة المجاهدة المركزية بقى. في خلوات في الخلوات التعبدية اللي بينك وبين الله. تغير تيل الفرامل بتاع نفسيتك كل شوية ازاي انك تقدر تتحكم في نفسيتك. ما تتقفلس. ما تقفش. ما تحبطش. ما تغضبش. ما يسيلش لعابك امام -

[00:49:28](#)

سرعات اتحكم في نفسيتك قدام ضغط الواقع. قدام ضغوط المجتمع. قدام مغريات الدنيا. قدام المتع والفسح. قدام اخطاء اولادك قدام نعم ربنا قدام الشهوات. قدام نداء الله في الصلاة. قدام الاذى اللي ممكن تتعرض له وانت ماشي في طريق الدين والدعوة -

[00:49:48](#)

قدام ازاي انك انت تبقى وزير اقتصاد عمرك وحياتك تتحكم في عمرك؟ تتحكم في علاقاتك تقدر تحكم نفسك في سائر هذه الامور ترفع صلاة العشاء سبحانه اللهم وبحمدك اشهد ان لا اله الا انت استغفرك واتوب اليك - [00:50:08](#)

[00:50:28](#) -